



# Takuyauyukhaq

## Unipkaaqtut Qun'ngiakhaq Quviahuutiuyuq Inuinnaqtun Tammaqtailiningagut

**IQALUIT, Nunavut** (Iifjirurvia 17, 2014) – Katimayiuyut ilangit Ilinniaqtuliriyitkunut Katimayit (CNDEA), Nunavunmi Kavamangat Havagvia Uqauhinut Kamisinap ublumi nuitittiniaqtut unipkaaqhuni uqaqtuq *Qitupat Tautuktuuyaaqtanga* Iqalungni. Qun'ngiaq unipkaaribluq tautuktuuyaaqtaniikpigiyanilu Qitupat Millie Kuliktanap, ilihaiyuyuq uqauhiniglu akhuurutiqaqhuni havaaqaqhimayuq unaguittuni amigaittuni ukiuni tammaqtailiningagut Inuinnaqtun uqauhiq.

“ilagiit amigiaryuublutik Qablunaatullu uqauhirillualiqtaubluni ayuqhautaudjutiniktugut ilihaijami uqauhiqqaqqut atuqhugu” Uqaqtuq Millir Kuliktana, Tautuktuuyaaqtara takulugu, tuhaalugu mihigilugulu Inuinnaqtun atuqtauyuuq ilitariyauningagut Inuinnainik Nunavunmi.”

“*Qitupat Tautuktuuyaaqtanga* pingahua qu'ngiakhaq havaktaat CNDEA-kut iligiblugit Iliharvigyuaq Prince Edward Island Nunavunmi Kavamangallu.

“Imaittunik qun'ngiakhaliuqpektugut tautuktinniaqhugu ikpingninga Nunavunmi iliharniq uuktuyuumiqublugillu Nunavunmiut akhuurutigilugit inmik iliharnikhaqtik nunallaamingni Qitupatut.” Uqaqtuq ikhivautalik CNDEA-kunut Williw Nakoolak.

Malruuk qun'ngiakhak nuititauyarriiqhimayuk: *Humunngauniq: Upalungaiyautit ilihaqtut Aallangurninganut Hilaryuap unalu Alluriarniq: Hivumuurniq.*

“Iilitariyauningagut nuitittiniaqtut Kugluktumi Ikaluktuuttiami, Iqalungnilu havainiani *Uqauhirmut Quviahuutiqarniq – Inuit Uqauhiinik Quviahuutiqarnirmi* taimaa ilitariyaangani ikpingninga aallatqiingningalu Inuit Uqauhiit Nunavut Iluani quviahuutigibluq uvani ukiumi, *Uqauhipta Hakugititpagaa Pitquhiqqut,*” uqaqtuq Ministauyuq Ilinniaqtuliriyitkunut Kavamanganut Nunavunmi, Paul Quassa.

CNDEA-ktut tuyuliqtut unipkaaqhutik qun'ngianik tamainnut Ilihaqtunut Katimayinut Nunavunmi tautuktauyaangani katimalutik nunalingnullu katimapkailutik iliharnikkut. Aadjiliuqhimayut qun'ngiakhat hailihimaniaqtuq CNDEA-kut havagvianni Iqalungni.

### Tuhaayakhanut uqarvigiyakhat:

Nikki Eegeesiak  
Tiliuqti  
Katimayit Ilihaqtuliriyitkut  
(867) 979-5396  
[coalition1@northwestel.net](mailto:coalition1@northwestel.net)

Wende Halonen  
Atan'nguyaq Tuhaapkainikkut  
Ilinniaqtuliriyitkut, Nunavunmi Kavamangat  
867-975-5667  
[whalonenEDU2@gov.nu.ca](mailto:whalonenEDU2@gov.nu.ca)